

附錄

虎溪集

卷之三

앞표지 뒷면

虎溪先生遺集目錄

卷之五

附錄

遺事

行狀

墓表

墓表後識

墓碣銘并序

聞韶邑誌

丹邱書院上梁文

奉安文

常享祝文

繡衣朴瑄壽啓文 丙寅

政院草啓

吏曹回啓

教旨

焚黃告由文

延贈時告墓文

道儒生請加贈上言

士林通文 丹邱書院受靈時

卷之六

附錄

師友遺札

祭文

挽詞

贈恩賀章

跋

虎溪先生遺集目錄

虎溪先生遺集目錄

虎溪先生遺集卷之五

附錄

遺事

府君諱適道字士立自號虎溪姓申氏肇祖
於壯節公十二世至鵝洲君諱益休金紫光
祿大夫以勳錫封焉平山分貫昉於此四世
有版圖判書諱允濡以清直比唐介謚貞肅
載東史生子按廉使諱祐號退齋麗運訖與
吉冶隱携歸南下親喪泣血有雙竹生 命
旌閭鄭文莊公表其墓享涑水書院生諱光

富仕 本朝歷敷臺省以直諫貶爵府令生
諱士廉彥陽縣監有龔黃之稱生子錫命陞
司馬有詩聲於公間五世始移于義城元興
洞高祖諱俊禎行訓道曾祖諱壽慶基殿叅
奉不就周慎齋誌其墓祖曰元祿號悔堂三
邑校官往從陶山門得聞旨設以孝學 贈
戶叅旌門錄三綱享藏待書院考曰仡號城
隱永嘉教授為兩先正抗辨誣疏 贈左承
旨妣順天朴氏副尉倫女吏叅安命玄孫以
萬曆甲戌十二月廿九日生于鄉校前陶巖

里第稟質粹美聰慧絕倫應事接物無不了
然通曉事父母惟務承順家貧奉養卑下之
事不恥烏之晝則弋獵以供膳夜輒炊爨以
溫突凡係安心適體之節靡所不用其極再
從兄鼎峯公有文學重望自始學而就質靡
懈鼎峯公嘗歎曰大吾門者必此弟乎事有
難處輒與之論確其見推重如此府君素有
氣節當壬辰之亂人有勸業弓馬者府君笑
曰士君子分內事業自在聖賢書中何必強
學兵家機務而後國事可濟耶時承旨公兄

弟方舉勤王之義府君承命率家衆入城谷
之幽內備周密外患不入居近境者多賴之
訥齋崔公亦來赴共免焉府君備經大亂猶
畱意於爲己之學就寒岡鄭先生而得聞淵
源之學及旅軒張先生之莅本縣也執經問
難於朔講之席累承推獎與二弟晚悟懶齋
靜處一室專心講究日有夏攻互磨之益乙
巳發鄉解居魁西厓柳先生見其卷曰義理
明白非科臼中口氣丙午同季弟中司馬出
入泮宮爲士類推重母夫人夙嬰奇疾府君

晝宵憂違不解帶交睫者累年至是鳩聚醫
家書對證投劑竟得效焉見者異之甲寅夏
遭內外艱哀毀幾滅性稟問儀節於旅軒先
生而行之無少遺憾既葬置守墓側以終三
年庚申方伯鄭造因行縣到水溪院題名而
去府君適任洞主謂諸生曰蔑倫亂賊豈可
暫齒於士林叢裏乎卽引刀削之左右皆失
色未幾檢小之徒諂附於造告其狀造大怒
氣焰薰天禍將不測爲縫掖者皆洵懼逃匿
府君獨凝然不動從容就理辭氣嚴正有條

理造不能加害丁卯藩虜猝至旅軒先生以
號召使薦府君爲本縣義兵將府君奮然曰
大駕播遷王事孔棘是豈臣子草間求活之
時耶與同志糾合義旅以書告號召使爲前
進節度計尋聞朝家已講和遂以義糧輸送
京司因詣闕陳疏縷縷數千語無非興衰
撥亂之策上嘉之優批以答特除祥雲察
訪蓋異數也祥累經兵燹公私蕩析府君至
則夙宵營度凡民所不便者罷之願欲者行
之未幾年馬肥而民賴遂引病徑歸郵民立

碑以寓思壬申因宰臣薦拜 齊陵叅奉不
赴尋又除 健元陵叅奉肅辭而歸丙子虜
兵又至直逼都城本縣章甫素重府君復推
爲義兵將府君思欲伸前憤揮涕登壇卽日
領軍馳赴 行在及到廣陵國家已有下城
之恥府君卽陳疏以斥和議之誤國時季弟
懶齋公侍從於 行在見府君疏相與痛哭
金清陰鄭桐溪諸賢俱以平日雅分亦歎誦
其疏語及歸李白軒金沙西二公以仕進力
挽之府君歎曰天地閉矣冠履倒矣是豈白

首進取之日乎仍吟一絕曰誤被天恩重還
慚臣分疎故園春已晚何用更躊躇歸卽構
數間茅屋於薇谷下扁之曰採薇軒杜門謝
事日以書史自娛悠然有獨得之趣癸卯七
月一日以疾終于正寢享年九十於乎府君
謹慎自持以敬爲主威儀可畏德行可尚亦
未嘗張而不弛弛而不張待人則泛愛而親
仁處鄉卑以自牧不敢以知先人是以上下
各得其歡心平居嚴勝於寬子弟侍側不敢
有談笑俚語衣冠不正則劾以正之行步不

端則責以節之亦必教之義方訓之順德雖
孩童不敢使之戲謔於前而以灑掃應對之
節諄諄誨誘婢僕不敢仰視而屏息門庭肅
肅焉後生有問業者先以孝悌忠信反覆開
諭諸族有來謁者以先祖懿行戒飭遵奉每
整衿端坐終日對案有意會處則優忻然忘
食至於聖賢切要之言必使子弟誦之又著
性理諸說庸學兩圖使之看閱曰汝等尋常
放過此所以爲下等人也又勸誦小學曰世
人從幼便驕惰壞了到長扞格難入鮮有行

其孝悌者汝等湏念之府君氣力康健八十以前不廢與祭以致如在之誠雖年高氣衰之後每值考妣諱辰則必進素饌子弟雖諫終不聽平生清儉自守簞瓢屢空而未嘗汲汲於資生至於兄弟分異奴婢之老弱者田廬之荒頓者必自取之親戚之困於飢寒者必竭誠以恤之人之陷於厄患者必盡力以濟之有族親死於癘疹者人皆畏忌府君親自治喪料葬而出其敦睦急難之義多類此府君早有求道之志而與遊者皆一時名勝

訥齋崔公常稱不安於小成愚伏鄭先生亦
濶許天分之高邁蒼石桐溪沙西諸賢俱有
道義之交嘗於寒旅之門濶得切己之誨而
及樛摧之後常以未克卒業爲痛焉配令人
坡平尹氏執義師哲玄孫僉正淳女生稟懿
性事舅姑以孝奉祭祀以誠宗族稱其仁里
閭服其信生于甲戌十二月初八日歿于庚
子正月十三日初葬于鷄卵峴府君歿後合
塋于縣西安平鷹峯卽向之原有四男二女
男長塈從仕郎次均宣務郎次埰進士次塈

宣教郎女適金尚珪次鄭復亨縣監槩娶判
官朴夢琚女無育以慶錫后均娶聞韶金致
弘女生二男二女長慶錫出后次爾錫女李
一吾呂咸和採娶永嘉權益昌女生二男二
女長禹錫次文錫女琴文操朴文興姑娶佐
郎金淮女生二男四女長昌錫副司正次玄
錫及第內外孫曾總五十餘人嗚乎府君棄
不肖已四年矣草土餘喘深懼至行懿蹟之
泯沒畧敘世系及平日行致大槩以資秉筆
君子之攷據云爾不肖男採泣血謹書

行狀

先生諱適道字士立號虎溪姓申氏其先鵝洲人也勝國時有版圖判書諱允濡以清直著生諱祐按廉使廬墓三年有雙竹之異事聞旌閭至四世諱俊禎教授於公爲高祖也曾祖曰壽除寢郎不就祖曰元祿號悔堂嘗遊退溪慎齋兩先生之門得聞淵源之學亦以孝學旌門贈戶曹叅議享藏待書院考諱侂號城隱有士林碩望贈左承旨妣順天朴氏副尉倫女叅判安命玄孫萬曆甲

戊十二月二十九日庚午生公于義城縣之
陶巖里第稟質粹美才性聰穎自幼妙時已
能觸事物而曉悟者衆也及長就學於寒岡
鄭先生密切聽受聞見日富既而登旅軒張
先生之門難疑講質屢蒙獎詡乙巳捷鄉解
西厓柳先生見其卷歎曰義理條暢非世儒
可及也愚伏先生亦曰申適道見識端的足
爲吾黨矜式也丙午與季弟懶齋公悅道俱
陞上庠聲譽藉甚甲寅荐遭內外艱哀毀幾
不支殯葬儀節必稟於旅軒先生而行之俾

無遺憾既葬因廬于墓以終三年庚申賊臣
鄭造以道伯題名院案公卽董率諸生削去
之曰蔑倫亂賊何可暫齒於儒林之列乎聞
者無不灑然變色易容者丁卯聞金虜東搶
公奮然曰 鑿御蒙塵主事孔棘此非爲人
臣草間苟活之時也與遠邇同志糾義旅募
義糧星夜馳進則賊已退矣因詣 闕陳疏
縷縷數千言 仁廟優批答之特除祥雲道
察訪道於兵燹屢經之餘公私赤立至則拊
摩凋瘵如恐不及於是郵民甚感再蘓之惠

至立碑去思云壬申拜 齊陵叅奉尋又拜

健元陵叅奉皆一肅而退丙子金人再徇

公不勝憤惋招集人士之有志勇者爲出萬

死直前之計而旋聞雙嶺已陷和議乃定卽

馳赴 行在灑涕封章極言其賣國之罪與

清陰金公尚憲桐溪鄭公蘊龍洲趙公綱相

對痛哭因吟一絕曰斥和認是堂堂事胡爾

講和相反之寔出怯夷抒禍耳倒懸賈喻先

符之旣歸又吟一絕曰誤被天恩重還慚臣

分踈故園春已晚何用更踟躕洛中士爲之

傳誦時李相景奭嘗於劄對特奏曰申適道
真國家忠良之臣當有拔例之典 上允之
公歎曰天地閉矣冠裳倒矣此豈白首進取
之日乎自是無復當世之念置數間茅屋於
鶴山薇谷扁其軒曰採薇杜門端坐日讀春秋
以寓悲惋之意時人稱之曰韶州林壑有
大明日月云癸卯七月一日以疾考終于寢
享年九十是歲十二月二十日葬于安平面
鷹峯負兌之原會者數百人配坡平尹氏僉
正淳女叅判希曾孫配德無違先公而歿葬

于鷄峴後遷合封生四男二女堦將仕郎均
宣務郎堦進士堦宣教郎女適士人金尚珪
縣監鄭復亨堦嗣子慶錫均二子慶錫爲堦
後爾錫堦二子禹錫文錫堦二子昌錫玄錫
金子舜佐碩佐內外孫曾總五十餘人嗚乎
先生以聰明特異之才襲家世相承之學忠
孝爲基本敬義爲節度俛焉孳孳常有不得
不措之意及登師門益畱意於講明旨諉取
庸學二書逐章揭圖以爲學者指南日與晚
悟懶齋二弟塤唱箎和相對怡悅又與李蒼

石鄭桐溪趙龍洲金沙西金鶴沙柳修巖諸
先生託爲道義交歲晏莫逆也嘗愛永溪水
石與一鄉同志移設長川院宇以爲藏修之
所嚴立課程惓惓以興學校育英材爲務蓋
其規模節目一出於悔堂先生所制也事親
極其孝友弟極其樂篤於彝倫如此故其移
於君也亦然當強國柔兆之變擁強兵坐而
觀者相環也公以一介國子生手無尺寸之
兵而慷慨雪涕奮然先倡視死地如鶩而時
運已去國論遂定雖不效答羌夷係單于之

功而前後封章觸犯無諱使當日誤國之臣
一見足以破膽則其所以伸大義於天下激
彝衷於萬世者果何如也是其忠義之節敵
愾之勇有非猝乍間徒然襲取者而莫非從
平日學問中出來則於是而悔翁家學之懿
寒旅化導之正自有不可誣者矣於乎偉哉
或者以先生之不得大顯於世爲恨然顯與
不顯天也非吾之所能與也且先生大節久
而不泯鄉之人士建祠而尸祝之至今上
丁卯因直指褒啓特贈先生爵吏曹叅議

豈非耶謂一時之屈而萬世之伸者耶道和
以鄰鄉晚生竊嘗聞公之風而慨然有執鞭
之願久矣日公之裔孫相夏等以公之第三
子忍齋公耶撰遺事屬道和叙次之顧道和
筆甚文言輕今又耄及之矣何能以比事屬辭
以塞慈孫之請哉蓋辭之再三而其請愈勤
有本敢終辭者且疇昔景仰之忱亦不可以
逾已迺於吟病之暇取遺事畧加櫟括并叙
其略感如此以俟秉筆君子之裁擇云爾後
學義禁府都事閩韶金道和謹狀

墓表

先生諱適道字士立自號虎溪鵝洲之申其
源甚遠在麗季有諱允濡版圖判書生諱祐
按廉使麗公歸隱親喪廬墓有雙竹異命
旌閣享士林俎豆曾祖諱壽累除陵署不就
祖諱元祿號悔堂從遊慎齋退陶之門以孝
旌門 贈叅議享藏待書院考諱佐抗疏辨
誣賢 贈左承旨妣淑夫人順天朴氏副尉
倫女叅判安命玄孫以萬曆甲戌生公天資
粹美聰明出類不待提掖已能通曉事親以

孝凡係奉養靡不殫誠及長請益於寒旅兩
先生之門嘗中解魁西屋柳先生見其卷許
以義理之文丙午與李弟懶齋公同陞上庠
遊泮宮知名旋值昏朝遂退鄉巾日與二弟
講習不撤甲寅荐遭內外艱廬墓盡禮嘗在
冰溪洞主割鄭造之名丁卯金人之犯境也
首先倡義詣 闕陳疏 仁廟嘉之授以郵
官郵民樹碑頌惠後因宰臣薦連拜 齊陵
健元陵叅奉丙子之亂以義兵將灑泣誓衆
星夜馳赴 行在陳疏斥和議與園中諸賢

痛哭而歸全叅判湜李白軒景頤勸其就仕
公曰當此主辱臣死之日恬然仕進非我志
也遂歸鄉乃結茅於薇谷逍遙自適人稱地
上仙云癸卯七月一日終于正寢享年九十
配令人坡平尹氏僉正淳之女與公同年生
先公三年而塲卽庚子正月十三日也四男
二女壻從仕郎次均宣務郎埰進士埰宣教
郎女適金尚珪鄭復亨縣監壻嗣子慶錫均
二男慶錫爾錫埰二男禹錫文錫埰二男昌
錫玄錫內外曾玄總若干人天之報施其在

是歟萬朝以末學何能當表德之文而以其
景仰之忱敢述而書焉後學嘉善大夫慶尚
道觀察使豐山洪萬朝撰

墓表後識

右墓表晚退洪公所述也今至二百年所其
後 哲宗丙辰士林建院于丹邱 今上丁
卯因繡衣使朴瑄壽啓 贈公通政大夫吏
曹叅議其目曰道學高明忠節卓異是則豎
碑後事故不見於表中後孫相憲氏俾不佞
足其後若夫先生學問之正樹立之卓有舊

表在歲辛丑仲夏前義禁府都事全義李種
杞謹叙

墓碣銘并序

韶州縣西安平坊鷹峯負兌而封者故徵士
大明忠義 贈吏議虎溪申先生衣履之藏
也先生諱適道字士立其先鵠洲人勝國時
版圖判書諱允濡以清直著諱祐按廉使廬
墓有雙竹之異事聞 旌閭至四世諱俊禎
教授於公高祖曾祖諱壽叅奉祖諱元祿號
悔堂贊謁慎齋先生後遊陶山門得聞性理

之學亦以孝學 旌門贈戶議享藏待書院
考諱侂號城隱有重望 贈左承旨妣順天
朴氏副尉倫女以萬曆甲戌十二月二十九
日生公于陶巖里第粹美映人聰明絕倫自
幼有事物觸悟之智事父母能竭其力不以
貧窶而少弛志體之養就學堂從兄鼎峯公
質疑處難密切相須鼎峯公每日大吾門者
必此弟也當龍蛇亂有勸業弓馬者公曰文
事中亦有武備何必以兵家機務爲濟國之
策時皇考公倡義勤王公以父命挈家八山

備禦甚嚴并與隣境救活及亂靖師事寒旅
兩先生服習講明多蒙獎詡乙巳魁鄉解西
厓柳先生見其卷曰義理條暢非科臼中口
氣翊年與季弟懶齋公悅道俱陞上庠聲譽
藉甚母夫人夙嬰竒疾公涉覽岐黃之術多
得靈效甲寅竟遭內外艱哀毀幾不支殯葬
儀節必問張先生行之因廬墓終三年庚申
道伯鄭造題名院案公削去之曰蔑倫亂賊
何可暫齒儒籍聞者皆危懼而造終不能害
丁卯金虜東搶公奮然曰 鑿御蒙塵非臣

子苟活之時倡率義旅星夜馳進賊已退矣
因詣闕陳疏屢言仁廟優答之特除
樣雲道丞道經兵燹公私蕩析至則拊摩矯
救一心調優民立石頌之壬申拜齊陵叅
奉尋又拜健元陵叅奉一肅而退丙子金
人再獬公欲伸前憤招集智勇直向爲萬死
之計旋聞雙嶺已陷和議宰成卽馳赴行
在灑泣封章極斥賣國之人與同志金清陰
鄭桐溪趙龍洲諸賢相對痛哭因吟一絕曰
誤被天恩重還慚臣分疎故園春已晚何用

夏踟躕時李相景奭特奏曰申適道真國家
忠良之臣當拔例以用上允之公聞而歎
曰天地閉矣冠裳倒矣此豈白首進取之日
乎自後與世長辭構茅屋數間於鶴山薇谷
扁其軒曰採薇杜門整坐日讀春秋時人稱
韶州林壑有大明日月癸卯七月一日以天
年終壽九十於乎先生稟聰明特異之才生
淵源承受之家所習者詩書也所行者孝友
也俛焉孜孜惟悔堂祖業是則而知己有天
倫晚悟懶齋二弟也就正有大方寒岡旅軒

二師也。塤麓以相和，旨設以相講。庸學逐章之圖，敬義夾持之工，日著乎心，究體胖之餘，而性酷愛山水，善爲藏修，與一鄉同志移長川院宇于水溪，以爲教育英材之所。及當強圉柔兆之變，則卽率書生徒手赴敵。曾有兵有馬，巨鎮大帥之所不能及，而時運已否，國論遂左。雖不效勘亂刷雪之功，試攷前後封章，其忠直慷慨之激，豈徒破當日誤國臣之膽，先生移孝爲忠，克養有素，之彰伸大義於是焉，不可誣矣。儒紳之建院尸祝，朝家之

褒贈吏議者足以光斯道之千秋不泯耶配
坡平尹氏僉正淳之女配德無違先公歿葬
于鷄峴後遷合封生四男二女壻從仕郎均
宣務郎埭進士站宣教郎女士人金尚珪縣
監鄭復亨壻嗣子慶錫均子慶錫爲壻後爾
錫埭子禹錫文錫站子昌錫玄錫金子舜佐
碩佐內外孫曾總若干人日後孫敦植甫齋
金拓庵道和氏之狀責銘於中轍藐生淺識
何敢當是寄而既有十世厚誼且念拓庵吾
徒之夙仰信筆也不能有二辭謹就叙錄如

右系之以銘銘曰

淵源家學旨設師承蔭途奚遲誥煌迺陞採
薇亭上依舊日月我撮其大崇禎高節委社
在後柯葉茂榮於不丕顯庶徵斯銘後學前
行惠陵叅奉真城李中轍謹撰

聞韶邑誌

申適道孝子元祿孫萬曆丙午進士從遊鄭
寒岡張旅軒得聞淵源之學丁卯亂倡義旅
聞講和赴闕陳疏特授郵官壬申因宰臣
薦拜健元陵叅奉丙子灑泣誓衆直赴

行在又斥和議辭歸薇谷構軒以終

丹邱書院上樑文

鄉社有祭古人重崇報之儀藏修以祠後學
寓景慕之意奚但推宗于宿德抑將矜式於
斯文恭惟虎溪申先生惟孝是源退齋梅堂
之胄爲賢旣獎理義文學之才師門有愛敬
之推承岡爺而旅老仕路持辭謝之義對沙
西若白軒星夜勤王仰忠誠於當日氷山割
籍凜直氣於千秋明誠集義之工交修講蠶
牛於平素尊攘斥和之章首抗辨魚於蒼

黃九羣林泉作神仙於平地一命祠祿付浮
雲於先天猗歟懶齋申先生學勵爲儒才蘊
其具通明溫雅生稟異凡之資經術文章成
就一家之業謁寒聞旅高足於門庭證愚癡
修上項之道義蜚英初載播越之駕是從抗
海南天忠讜之節始著几案不撤朱墨中朱
書屏障與同聖功上聖學疏伸大義於天下
後山城第一議論約行四條於海隅卽旁隣
凡百觀感遭斥於世行將泰然盡瘁之心死
而後已
是皆本之授受曷不盛乎行藏粵若

忍齋申先生小學之自家家書卽是免髻時
語聖訓之隨類類揭蓋將刻肺爲銘私淑有
說論學有圖造次必於是厓鶴與聞修木與
質就正其在斯三某之稱嶺數大儒六行之
薦館首華聞縱不售於登庸固無傷於爲己
竊念丹邱之佳境最爲韶州之名區真同白
鹿之遺墟清冷窈窕允合青衿之靜會曠遠
幽閑惟茲三老之棲遲寔是一堂之倫序昔
當陪侍於函席尚有典型於摳衣藹然其仁
家庭見孝友之行養之以德鄉里服忠信之

孚斯其實學之內克燦乎英華之外見噫遺
教之不泯孰無傳誦之懷而逞迹之所枉舉
切想像之感不有明宮俎豆之舉詎寓永世
羹牆之慕爰諏一區於舊居實取九成之美
義伊江山點綴之相似物色增輝矧杖屨遊
賞之所於警咳如昨則百年人事之遷就庶
今朝不日之經營瞻聆一方行見高棟之突
兀苾芬三哲永有明德之馨香寧吾黨隆師
之誠得遂而已顧雲孫積世之願何幸如之
茲涓叶吉之辰敢獻升梁之頌兒郎偉拋梁

東鳳峯朝日上晴空平生禮樂周旋地猶有
祥輝一氣通拋梁西鳳山一抹夕烟低小車
想得從容日江鳥山花盡品題拋梁南淵泉
混混去成潭梧桐天外月輪霽印作中心淨
似藍拋梁北遺墟百載人應識松篁一壑帶
寒風依舊蒼蒼歲暮色拋梁上天爲斯文未
嘗喪直是性無今古殊由來只在人能養拋
梁下洋洋黃卷盈塵架聖賢言行此中畱讀
得方知有爲者伏願上梁之後儀形不替風
韻長存禮備精禋尚洋洋而如在士習餘教

當濟濟而克生蔚爲鄉邦之耿光永承君子
之遺澤契家後學豐山柳疇睦謹撰

奉安文

顯允先生忠孝全德雪立岡軒澤麗桐石本
之才資濟以學力厓老定評義理明白愚翁
鑑識天分高卓院削姦魁禮質函席西戎承
突羸糧赴急酬以一郵藉我蕩析及夫再制
元戎涕雪義旗西指南城峯律和言擊茅奈
彼賣國疏陳萬言綱常賴植故園春晚詩出
腔血謝事南還山間艸屋娛以書史持以謙

牧人稱地仙邦有遺逸推原反始寧享芬苾
惟陳徐氏况有故寔因循未遑歲幾三百藐
茲後生積世營度亦粵懶翁同氣德合爰及
忍爺克紹家學兩世風範百年如一合餽同
堂情禮允叶念茲丹邱山水清淑三位倚卓
數間丹曠或聯或配從其昭穆爰舉縛儀辰
良日吉樽俎潔清衿紳齊邀陟降在茲惠我
無極後學弘文館校理韓山李敦禹謹撰

常享祝文

學傳師設義扶邦綱餘教在人報祀無疆

繡衣朴瑄壽啓文

丙寅

粵在 仁廟丙子之亂凡人士之忠義者或有倡義而赴亂或有抗疏而斥和雖在寒素之人舉蒙褒賞之典而義城故察訪臣申適道素以慷慨之士兼篤至之行講究於性理之學茫然爲士林之宗及當丁卯丙子之變奮身倡義再興義旅矢死向前不避危難蓋平日所守有確然者矣纔到雙嶺聞和議已定遂抗疏南還仍辭 除拜隱居教授以終其身其遺風餘韻尚爲一道之所想望而興

起是白乎。其在酬勸之政，合施旌褒之典，以爲獎忠義、樹風聲之地。恐合事宜，是白如乎。令該曹稟處，是白齊。

政院草啓

都承旨臣趙性夏爲草啓。是白段慶尚左右道暗行御史臣朴瑄壽別單內義城故察訪臣申適道學忠節實一代徽蹟，依別單以爲贈職之典如何。

吏曹回啓

吏曹判書臣曹錫雨爲稟啓事。慶尚左右道

暗行御史臣朴瑄壽別單議政府草啓內義
城故察訪臣申適道道學高明允爲儒士之
宗忠節卓異實惟邦國之尚是白乎耶特施
贈職之典如何

傳曰允

教旨

察訪臣申適道贈通政大夫吏曹叅議者
道學高明忠節卓異事承傳

焚黃告由文

吏判韓啓源

惟公終始惟學之積高山寒旅麗澤桐石厓

詡別白愚誦占位迺長一院柄伯叔刺西氛
北赴星月投袂祥郵薄試后櫛癩洗孤城一
疏萬古陽秋如懸賈涕不蹈連蕃故園春晚
初服婆娑涵墳演典徃箴來柯天挺孝友三
事一致同門伯叔并世謹紀鬱鬱埋光幾二
百載靡積不發有隱斯採直指之剡士林之
式恩地焜煌小宰之職穀撰卿掄幽賁品誥
子孫之榮有德之報

延贈時告墓文

后孫相夏

恭惟府君吾林名碩炳日之忠的源之學九

旬任道二亂委國尊周一疏萬古綱立大義
之伸世教之淑不泯公議百年斯赫剡採旣
實廟論俱一 傳曰地何三銓之秩邦國之
尚斯文之式顧惟殘孫感恩無極

道儒生請加贈上言

右謹啓臣矣身段伏以崇儒術明正學 王
道之當先獎忠節立綱常 邦典之旣尚是
白乎旣臣等旣居道內義城地故忠臣 贈
吏曹叅議臣申適道卽麗朝忠臣按廉使祐
之後也孝學 贈叅議臣元祿之孫也早登

文穆公臣鄭述文康公臣張顯光之門師門
授受之正家庭忠孝之學實爲士林之所宗
仰是白遣及 仁廟丁卯之訏三宮播越君
父危壯適道首倡義旅齋疏詣 闕歷陳主
和誤國之非拔亂反正之策 聖批溫允特
除祥雲道察訪又陳疏乞遞至於丙子再猗
之變則孤城形勢危如一髮又涕泣誓衆星
夜馳赴及到南城時事已變與同志相對痛
哭曰丁卯之和猶爲天下之羞况大倫蔑矣
綱常墜矣此忍爲乎此忍爲乎遂以君臣大

義天地綱常等語抗章直斥大言其非又引
洪翼漢疏語以爲萬世言責者之所當師法
蓋其尊周大義格君浚誠赫赫炳炳可有辭
於天下後世而及至事無奈何莫可挽回則
乃作詩自誓辭謝南還構得一小屋於鶴山
之薇谷名曰採薇軒杜門潛居日以嘯咏自
遣文忠公臣李景奭嘗因劄別薦 召命屢下
而不起壽爵自至而不受閒養九十年竟以
大明年陵署微啣而終斥和臣鄭蘊嘗語之
曰當日扶義之人何限而能保其晚節者惟

申適道也適道亦嘗自言曰堯舜在上義無
不仕而今天地閉矣冠屨倒矣古之君子必
無可仕之義此可見義理之正行藏之宜而
萬世臣子之所當準則百世斯文之所可師
宗是白乎則此宜有崇褒易名之典而于今
二百年臣等瞻望 天門齋鬱久矣徃在丁
卯因暗行御史臣朴瑄壽之啓 睿燭明照
聖恩優洽 贈之以天曹叅議之職可謂榮
及泉壤望副儒林是白乎乃以若貞忠大節
實德正學其所褒顯止於三品則恐未盡於

崇儒賢獎忠義之至意也伏乞 天地父母
垂察罕古卓異之蹟軫念多士齊籲之忱特
加崇秩以勸世教以樹風聲事巨等無任惶
恐伏望良結望良

士林通文

丹邱書院安靈時製通金奩裕

伏以鄙鄉先輩虎溪懶齋申先生及虎溪胤
子忍齋先生兩世三賢德學風猷蓋亦吾南
之所共景慕也諸先生俱以瑞世英雋之材
乘 國家晟明之運早親有道學業征邁聯
登科第聲輝闡發令聞既敷晉途方闢殆見

仕學互優位德俱隆而卒當柔兆天地冠履
之變忠義并薨於同氣名節萃在於一室至
若伯府先生倡旅陳疏抗斥輸平之恥誓衆
灑泣奮發敵愾之氣况其學問精深尤見於
性理論辨之說庸學分類之圖鬼乎壯矣季
旁先生聘命上國克揚專對之策圖在孤
城首發和議之非蓋其墳麓淵源之正出自
寒旅之門而道義交遊之重同時處義於桐
龍之倫若是卓矣暨惟忍齋先生以家庭詩
禮克濟世美一時聲聞嶠南有三某之稱學

中薦六行之備而若其十圖解義有 聖明
之稱賞一部策式見義理之明的亦豈非稱
家之賢乎嗚呼忠孝兼全於一門事行俱著
於兩世風聲之樹盛德之報猶將百世可祀
也陋鄉末學無以奉承前烈遺芳剩馥之地
尚未有一席香火之薦固知未免於隣鄉大
方之盱棄也惟是德家遺範尚有誠孝勤懇
之風若爾雲裔備成堂齋謹依宋朝徐陳故
事爲原列庶配之禮生等竊念當日獻祝儀
式不可直任本家茲以會議通告伏願僉君

子遠賜賁臨克惇儀節之地幸甚

虎溪先生遺集卷之五

虎溪先生遺集卷之六

附錄

師友遺札

張顯光

貴胤陪佐郎來獲奉喜書藉慰不容言謹審
棣床友履聯衿做况日透古聖賢閩域聞甚
仰賀顯光耄敗旣劇斷事杜伏耳懷難牘悉
只冀還任萬福

又

鄭蘊

接溪同苦已閱四十年瞻想一念食息不弛
而地之絕遠鱗羽無憑及到密邇猶未相訪

老境心緒益切悲憐備審兄邊消息氣候平
迪潑喜耳弟少壯時才不如人逮至老安病
且兼之凡干人事闕如也何以治民乎到任
雖久米鹽之消積自知不如歸計已決而我
病不得訪兄兄病不得訪我尤可嗚乎

又

李 峻

峻啓私門不幸小子遽爾夭折白首號蒼徨
有槌曾而已頃承兄札亦有喪患稠疊云須
學西方解脫之法以慈愛之天烏浮雲流水
然後人門慘酷之痛有休歇處矣末由面論

徒增哽塞

又

金應祖

令姪回謹承下札憑審早熱尊體動靜萬福
鶴原之樂融融於海山雲物之表令人引領
起興直欲奮棧而苦被恟緣纏縛不得自由
柰何時事可慮仍圖避世甚優好何其奇哉
嚮慕之私短紙難伸

又

鄭惟熟

相去不甚遠而閱今三載猶無一會期老病
人事至此瞻悵倍切惟可幸者時得與允兄

相對晤語如獲親炙卽惟歲暮調况珍勝弟
喫苦路傷老病已極十分地頭自憐柰何頃
者先達公遠來訪我迨極感幸且聞慶宴之
設已有定日若因此僂進叅盛事不但老生
之望與兄同做四十年餒而不得遂意恨悵
何極

又

崔 峴

千里夢想之餘路奉情札委入致問仰慰如
何生特蒙 宥命罔極之恩使之生還故土
感泣之外無以爲謝

又

李景奭

年前一奉真適我願每想芝眉徒自悵歎千里手翰忽墜意表如對慰豁生年來蹤跡不在於朝在鄉時多眼患亦劇未得以書相候者久矣常以爲恨

又

李敏求

歲律將暮遠惟政况珍必稍慰瞻想某生衝寒冒雪遠赴治下望頌俯採旰食賜如何是生一家人也接遇之厚不待生之喋喋而湖南風俗不佳除非官威不無意外生稷之

患更須善處自餘湖嶺隔遠奉對無階臨紙
悵然不知所諭

又

李景容

承誨兩難兄有若識荆州矧此托鄰尤切喜
幸卽奉惠札感荷百倍但聞慘遭鶴原之痛
驚悼罔已生一行作吏無非爲親計踰下嶺
表若墜淵谷進誨書空無以爲謝

又

李堂撰

自尊離泮月已周矣無騎無人旣闕躬造又
未侔候尋常茹恨卽茲憑問尊旅况平迪慰

豁十分士與公耳又以痘患再昨俱爲出泮
嶺友之厄尚未殄也南行當在何間若得人
馬近當就叙耳

祭文

鄭惟熟

昔我大爺先生倡道於泗上一世豪邁俊逸
咸歸於門牆惟時我公早歲負笈心期遠大
非一藝一行之名志向端的乃有體有用之
學進退之際規矩必遵性理之書毫縷可釋
無隱必叩應對之節從容有聞輒行所受之
教是極實蒙愛敬於函席幾見推重於朋榻

蓋其造詣之深實由工夫之篤泰山忽頽恐
墜緒之茫茫靈光獨存恆自居以惕惕九旬
林泉之樂自挹高風一言綱常之明得俾大
義南士之尊仰不在茲乎愚生之欽艷良有
以也夤緣眷顧之情迥出高駕頗住於茅廬
丁寧箴規之意難忘清翰尚留於塵笥曾謂
顏閔樂事可尋於百年邗意倅佳遐籌遽促
於今日文之衰道之否哲人其萎往無繼來
無開我痛何及

又

朴廷薛

吾市

相繼

我生

做金

親炙

於乎

不敢

之再

來而

又

猗我先生奮起南服山岳之重松栢之特
虞初志玉不可匱材可棟樑文可黼黻知
有命遂乃抗節就道而正于泗于洛淵源
的踐履亦篤行己之方一遵繩墨及夫丁
君父之急舉我大義諭我同德登壇誓涖
隊涕雪不我斗筭贊劃帷幄倍日馳赴蒞
胡戟事乃大謬賣國之說良籌莫施忠憤
洩遂抗大疏有章日月萬古綱常百世無
如是而還薇洞茅屋案有詩書山有薇蕨
採我茹我書我讀社門泠寂一區泉石輿

益尊鄉邦矜式九旬康樂皇明舊曆云胡不
淑斯文之厄士失趨向邦無大耄於乎吾黨
于何範則

挽詞

金應祖 鶴沙

退齋遺緒悔堂傳餘慶承承世有賢郵館未
容淹逸士寢郎豈合送殘年已將榮利輸遽
柳都把生涯付簡編耆舊卽今誰復在仁鄉
回首一潸然

又

李景奭 白軒

夢裏祥雲路人間九十年庭存雙玉樹家有

一青氈仗義輕身日封章露膽天空將舊情
誼沾灑寄哀篇

又

張應一聽天

師門先進衆推時當日惟吾年少時聖學真
工窺閫際皇明高節抗章時百莫齒德稀千
古三棣輝光盛一時洛水寒波流不盡聲聲
嗚咽斷魂時

又

洪汝河木齋

一德公攸好人間五福宜伏生那欠壽謝椽
却嗟卑蓬島鸞驂去邱原梓樹悲自憐生苦

晚未忍紫芝翁

又

申弘望 孫松

青春手採鳳池蓮
晚節郵駟騁海邊
一官明時如夢寐
九旬平日作神仙
誰知靈劍重淵會
可占雲仍百代傳
祇是鵝宗長老盡
孤生宇宙獨茫然

又

南海準 新村

大孝家庭有大賢
皇天錫類理當然
早遊國學聲聞遠
晚長郵亭施澤專
壽享耄期仁可驗
業遵型典德無愆
病中垂淚今題挽
安得

藍輿受執鞭

又

金尚瑗 南厓

東國名臣後南州孝子孫早承詩禮訓晚被
聖明恩郵館畱仁政雲林避世喧存心分此
日垂淚向荒原

又

金尚瑜

氏出鵝洲夙德升蟬聯餘慶裕雲仍忠能殉
國欽哉史孝著旌門可也曾有子有孫賢又
繼宄兄宄弟衆咸稱塞蓮玉井初何早攀桂
瑤宮竟未能乘駟東風吹驛路奉牲西日照

園陵誤登枳路寧容足歸卧桑鄉任曲肱九
十遐齡黃髮老三千遙界白雲乘

又

南夢賚伊溪

聞說吾鄉又失公壽躋仁宅一時空二三小
子於何考九十光陰到此窮篁館胡為畱夜
月薇亭無復襲春風身縻海徼難奔走千里
緘詞愧素衷

又

金宗一魯庵

景仰清芬自幼年悠悠長恨隔山川一星昨
夜沉南極永失人間地上仙

聞韶古國樂魂招九老英靈上九霄三棣芳
名聯製錦雙蘭終孝又懷瑤危城岌業勤王
隊盤谷幽淡遯世遙邗復軒屏聆大義臘天
淒色雪漣漣

又

朴翊

蓮榜題名萬曆年義壇重誓大明天北門永
謝青雲夢南岳還酣白日眠孝友傳家人不
間規繩行己自無愆題詞遠寄難堪恨臺角
生菊置墓前

又

金尚琦

啓幅傳來取見之辭云某月葬親期鄉中父
老猶吾老公外孫兒又弟兒劔會延津應此
日鶴歸華表正何時從今薄俗無觀感一倍
傷心不勝悲

又

金時忱

北塞趨省日東郵歷拜時萍逢承眷誨津遣
荷恩私天上星芒暗人間耆舊萎平生尊慕
意惟有季哀知

又

洪仁量

公家孝友已旌門善繼風聲在弟昆蓮榜題

名聯有譽楓墀承命政無煩蠶牛講究人咸
質熊虎援奔衆所尊此去肯爲泉下鬼列仙
應待白雲閣

又

朴廷薛

金蘭曾許白眉君詩禮家風夙所聞常擬文
林承範采頻因宅相候寒溫行藏有命身還
逸壽福無疆望益尊責報他時天可必行看
餘慶滿于門

又

沈致

箕疇五福壽爲先八耄猶遐又十年再誓儒

壇扶義老晚歸薇谷養真仙重泉白髮鶴原
會舊物青氈鳳穴傳積德如公無復憾却驚
南極晦星躔

又

朴檜茂

早年蓮榜棣華名材器虛違遇聖明單詮函
席傳衣鉢忠義危城仗纛旌粉社遙吟紅豈
曲薇亭直與碧山嶸吾衰未執歸泉紉題挽
浚慚范巨卿

又

李爾松

契浚先子又同庚義分平生若弟兄早歲庠

宮名始大中年郵館宦非榮箕裘詩禮家聲
振壽考岡陵命道亨孤露此生常景仰可堪
今日隔幽明

又

金炫文

南土多名勝山奇水亦清孕生仙骨聳爭覩
德星明詩禮能傳業藏修豈爲名微官才不
展浮世路難行聞達元非意漁樵共結盟機
忘漢陰老望重汝南評涉海寧求藥清心有
鍊精朱顏近百歲綠髓去三彭蟬蛻紅塵表
鑿駢紫府程遐齡稀徃牒餘慶襲徽聲憶昔

連家誼交浚兩世情喟余曾八泮賢胤亦棲
轡對案資磨琢聯衿若弟兄每言題柱志祇
爲悅親榮久切遊方戀猶稽至願成玉難逢
善價天未格浚誠寸草春暉短慈烏怨血橫
孝心當大事舊櫬附新塋雲樹千山阻存亾
一夢驚無由執素紼南望涕沾纓

又

呂孝閔

高標玉屑綠昏恟雅量清談孰敢嘲早抱荆
山和氏璧晚來活計海棠巢萬事生涯風外
絮百年身勢水中泡殷勤誼重同瓜葛姻婭

情淡比漆膠小子無緣叨末眷九原何處荷
淚交多病老人身不到向風揮淚望前郊

又

丁瑜

公與先君交契厚鯁生陪席聽論辭忠言可
尚封章日義氣須看赴難時安享九旬仁驗
壽孝終雙玉蔭畱枝重泉更合延平劍千載
精靈應共嬉

贈恩賀章

晉山姜蘭馨

參判

退齋家裏旌雙竹孝友相傳繼述之大義嘗
任溪洞主孤忠再倡廣陵師兩賢門屏尋真

設四子階梯講近忠身後榮名 恩亦重黃
麻除旨降丹墀

大明日月韶州界山蕨青青獨採之送別當
年三學士相尋無路覓何之

又

延城李明迪 判書

驚心暈月草城黑天步艱難可奈之儒服變
烏殲敵幟鄉丁爭奮覲王師真卿河北知何
狀祖狄江中克復思衛國孤忠由學力庵燈
幾許照龍墀

萬事孤城烈士淚悠悠江漢欲何之春秋是

義風泉感惟有清詩一寓之

又

真城李彙承承旨

一自荆園冠諸子橫流障去使東之堂堂大
義千夫長凜凜高風百世師星夜挺身惟我
職雪天灑淚爲誰忠遺芬沆久終難泯 貽

典煌煌降九墀

忍說當年南漢事昔人於此所難之斥和二
句堂堂義盥讀今朝自肅之

又

仁同張錫駿承旨

藉甚南州立卓然一郵清薄老林泉春秋大

義三綱在家國孤心七尺捐方知吾道終難
晦相賀天官待有年洛水洋洋流不盡丹邱
百禩聽歌絃

又

仁同張龍遠承旨

砥柱中流獨屹然虎溪歸卧樂林泉山河正
氣三綱立兄弟初心一死捐吾祖淵源遺後
裔 聖時恩渥值今年翩翩紫誥猶云晚賀
酒城南動管絃

又并序

豐山柳進徽判官

惟我虎溪先生扶綱斥和之精忠卓節凜

乎如嚴霜秋日而至今載在國乘輝映千古豈不偉哉於乎先生有經濟之才義理之學而生不得大施於世歿未遂褒崇之典事若有待而尋常慨鬱者久矣幸值一元文明之運 聖上龍飛百度俱新陽谷陰崖均霑雨露之澤先生幽潛之盛德大業至登繡啓而三銓 恩秩自天有隕榮及泉隧實曠世之盛典也不佞以後生末學適遊太學得見先生丁丙事蹟讀之不覺擊節而歎息也今於酌酒慶賀之餘拈

出詩集中韻借安續貂以寓景仰之忱云
長陵松柏苑蒼然追憶當時淚瀉泉萬恟風
塵忠不死一身天地義同捐鼎新運際橫庚
日升秩 恩濛值卯年瞻想丹邱遺教在永
令春夏誦而絃

又

豐山柳芝榮 承旨

天地之間賦浩然先生道學達如泉當時已
賀賢臣得後世終非 聖主捐倡義葵忱惟
向日表忠荷典幸今年靈魂不昧丹邱院地
號聞韶聽管絃

又并序

延城李用基 縣監

先生以名門華裔學有淵源志切尊周其
卓異不磨之跡亦足千古而終不無學高
位卑之憾今 聖上四年秋特贈天官美
秩蓋盛典也迎誥之日全嶺人士會于泮
宮之西而宴之敬次先生集中韻庸識賀

忱云爾

南望韶州倍愴然皇明日月舊林泉
黍檜面何天下立魯連身欲海東捐
丙子於今三百載黃河之水一千年
啣書瑞鳳飛來日紅樹

西風鬧管絃

又

星山李驥相

撫劔中宵氣凜然虎溪歸卧好林泉壯心憂
國孤軍赴清政居官薄廩捐尊攘華夷明大
義從遊寒旅自初年南州章甫來相賀恩
誥煌煌動管絃

又

廣陵李以役

東南秀氣苑蒼然吾道真源混混泉早歲從
師征邁篤孤城赴難死生捐天官始降崇三
品公議終看待百年寄語雲仍紹世美龍門

千古理餘絃

又

固城李庭德

華閱鵝洲有傑然天曹 恩誥耀重泉孤臣
一介惟求是義士千金不惜捐偃室學成承
誨日澹庵名立斥和年雲仍十世著誠孝歸
路聞韶直似絃

又并序

光山金濟寔

自古忠臣義士之敵愾者何限而顧其忠
義之由乎學問進退綽綽者罕見焉吾鄉
之虎溪先生承襲家謨得為己之方逮丁

丙之亂再倡義旅誓師勤 王其未成功
天也足以拔千古志士之淚而惟其泥塗
軒冕無復當世之意則此豈非忠義之由
乎學問而然耶迄今數百載芳芬幾替猗
我 聖朝特施貶贈之典嗚乎其偉矣豈
徒爲先生地哉將以淑人心扶世教於無
窮爾茲因洛中多士抃賀之席謹次本集
韵以寓平日景仰之意

扶義尊周炳炳然歸來堅卧老林泉貞忠有
自家庭見爵祿無心紱冕捐 聖上洪恩叅

議牒人間高節大明年薇軒遺教今猶在永
使諸生苑誦絃

又

河陽許元棧

貞忠卓節日星然赴義何如渴赴泉衣鉢師
門曾有受箕裘先業不虛捐三軍激氣勤

王日一疏扶綱斥虜年回首丹邱矜式在至
今餘韻聽歌絃

凡人彝性所同然每讀公詩淚似泉熙掌辦
時高義取鴻毛輕處此身捐天官紫誥頒
今日鄉社青衿附昔年千古西山堪與配薇

歌一曲被笙絃

又

花山金容湜

挺竹古家節卓然九天 恩誥及重泉義在
扶綱先自倡身當路刃頓忘捐南州雅望今
申氏北虜波雙鬢鬢鬢年嗟余後學多瞻慕宛
若丹邱聽誦絃

又

箕城黃建周

斥和扶明有孰然虎溪風雨吼龍泉克家君
子誠無忝爲國賢臣義不捐道學高明師百
世貞忠卓異袞千年 馳恩攢賀南歸日雙

竹薇軒奏感絃

又

光山金濟源

天心人事兩茫然大報壇前淚似泉
恩重腰橫三尺去時危身許一毛捐
黃沙白草前日碧水丹山送暮年
悵悵忠魂招不得更堪回首聽遺絃

未讀遺文涕自然皇明日月耀重泉
忠臣已死魂猶在志士輕生義可捐
胡馬嘶風如昨日石麟藏草不知年
鳳銜紫誥丹山去聖主恩光動管絃

又

仁同張祚遠

丹邱松柏苑蒼然
恩誥翩翩耀九泉
傳家忠義神鋌在
奕世功名弊屣捐
南國皆稱雙竹宅
當時猶記大明年
千秋歌詠先生德
流水高山不待絃

又

安東金炳礪

忠義曾由道學然
薇歌幾載老林泉
詩誅藩賊風稜卓
碑立祥郵月廩捐
地步師門尋妙域
天官升秩在今年
後生追憶先時教
春誦洋洋又夏絃

又

廣陵李相善

名賢顯晦有時然
丹諾煌煌貫九泉
薇竹已知孤節寓
熊魚肯惜一身捐
寒旅門庭高足弟
崇禎日月大明年
暫屈藍田何足慨
聖師曾許武城絃

又

漢陽趙錫龍

先生處世獨超然
薇谷清風寓我泉
寒旅淵源傳道正
丙丁忠義誓身捐
崇賢恩爵逢今日
抱稿雲孫感是年
別有吾家同節義
遺音千載和瑤絃

又

錦城丁義元

義旅堂堂氣肅然
虎溪當日吼龍泉
源浚一脈曾傳妙
軀重千金不惜捐
邦瘁重遭辰巳厄
王綱獨植丙丁年
聞風後學多興感
歌詠春秋管與絃

又

宗後學致默

孝竹忠薇兩炳然
家聲世襲志林泉
屢蒙褒節宐無愧
再舉忘躬不惜捐
左海一隅高士義
春王萬曆大明年
彌章道學彌嘉尚
恩溢三銓被管絃

又

互寧南夔壽

忠義堂堂獨奮然
大明日月耀林泉
抽竹家聲孤節守
珠薇餘韻尺躬捐
鳳詔含丹尚有日
龍銜蹈口幾回年
景仰高風猶不泯
韶州今夕奏歌絃

又

冶鑪宋泰寅

忠義千秋炳朗然
先生初服起林泉
斥和章出瀋虜懼遺愛
碑傳郵廩捐北闕
天官馳有日南州士
望副今年薇軒復對
琅玕竹景仰丹邱聽
誦絃

又

聞韶金詰錄

丙子忠賢凜凜虎翁挺出奮龍泉
寒旅門庭單設在竹薇風節尺軀捐
紫誥香烟今聖世丹祠天日大
明明年莘莘衿佩羹墻地爭把新詩奏管絃

又

羅州丁達教

萬古綱常獨奮然先生當日起林泉
心懸象闕天同戴身似鴻毛義共捐
挺竹清風君子宅采薇高節大明年
香烟一縷馳恩誥卿月煌煌映管絃

又

文城柳明均

千秋義氣尚崑然 地贈三銓耀九泉
寒旅淵源尋正學 竹薇名節不虛捐
山河回運奎星歲 天地扶綱丙子年
香蕊翻生霄漢色 聖朝優禮穆升絃

又

廣陵李以鉉

中宵倚劔意悠然 回首皇州淚下泉
殷聖西山餘曲在 魯連東海擬身捐
儒風復振天官日 化旭重明聖主年
泗洛真源流不盡 聞韶自是有遺絃

又

聞韶金道和

若使當年遇聖人春秋袞筆特書之三韓義士韶州某可與西山伯仲之

先生高義烈霜然歎息苞蕭浸下泉隻劍精神磨欲盡三刀官業視如捐太陽均照無幽壑渙霈新霑最吉年華祝輿情歌未足諸君何莫奏笙絃

又

后孫 敦植

身居東海魯連心秦帝當年欲蹈之一疏凜然休萬甲澹庵義理與并之

私淑退陶有宛然淵源河洛混如臬春秋大
義三綱立風雨孤城一命捐賢德尊祠追丙
歲 聖恩崇秩值丁年於紳齊邀雲仍感赫
赫丹邱競管絃

又

金州許壩

先生仗義昔胡然爲學真源有混臬尺疏扶
綱曾血瀝一心圖報擬躬捐薇歌惻惻同殷
老菊史煌煌揭晉年三品追 恩褒德美風
詩志喜遞笙絃

又

聞韶金翰周

忠孝雙全世孰然
覃恩天降徹黃泉
南還草屋三生在
西指義旗一死捐
寒旅心詮傳道日
厓愚手筆定評年
羹墻寓慕丹邱地
多士蹒蹒聽誦絃

後叙惟我先祖虎溪府君存心窮理之學扶綱斤
和之忠蘊之爲德行著之爲事業實百世難
泯者也粵在丙辰士林尊尚而俎豆之逮夫
丁卯朝家褒賞而貤贈之將府君之學與
忠悠久而益明於世者歟竊想府君謙悒自
居不喜著述垂示子孫之訓開發後學之言

爲國盡忠之蹟空若不尠而世代浸遠屢經
禍變遺失殆盡豈非不明不仁之責耶於是
乎搜得巾行陳篇非但爲書猶頗放失卽其
所存者蟲啣而蠹蝕字缺而畫糊故參互攷
訂則禮說也講規也全缺難徵庸學疑義心
近註解半煨半在不得修完所可據者心性
情志意說及義陣大小文字若干篇噫府君
之學問極工可攷於庸學圖畫扶綱大節足
徵於丁丙疏章則一齋能知其全鼎之味又
奚貴乎多哉因以輓誄墓道奉安文類次附

後觀者恕之則幸矣歲辛丑三月上澣后孫
相憲謹識

跋

虎溪先生申公有詩文若干其遺裔之僅僅
掇拾於二百載蠹燼之餘者也將謀之剗
氏亦足爲一斑於全豹乎哉公嘗師事寒旅
二先生潛心於本原之奧致力於當行之常
循循乎其儒也洎金虜犯順奮挺草茅再鼓
鄉勇指揮糾率定於顧眄風馳霆鉤勵北首
死敵之志於是乎知其有文武之兼才而忠

義之憤盈融洩於腔血之赤也惜乎廟略之
急於媾和而俾如公者不及收天山一箭之
功也柔兆帝秦卽小華之浚恥而天地之一
大變會也當是時旅軒先生遯於立巖桐溪
鄭先生自靖于某里是皆炳然于華夷之首
足冠屨而以一身而任陽秋綱常之重也公
則在散班末銜而况鍾簷不移 鑿駕旋軫
雖其與一時之羣公庶僚升沉於儻來之榮
奔走於効力之列亦不失爲一道也而乃旣
陳瀝血之章遂踵蹈海之節白竄于窮山荒

谷之間而澗飲木食以卒歲卽心跡而論之
蓋與立巖某里二先生者泐然一致而無間
矣何其猗哉竊以爲學者須先審析於天理
人欲之幾致嚴於陰陽人獸之界然後知華
夷大防之不可一日而混也今按遺編有所
述心性諸說皆斷斷於太極二五善惡邪正
之辨此可以見公之一生以之而成就得來
且論其世類有悔堂爲之祖而薰炙於退陶
慎齋之門而獲聞斯學之旨設有城隱爲之
父而倡義壬癸急國家之難抗章昏朝辨晦

退二夫子之誣其家學淵源之正忠義箕裘
之盛其亦有盱本矣公之九世孫敦植君索
余一言于編尾余固不文兼以病廢耄昏謝
筆硯久矣噫今之時顧何時也撫公之蹟而
讀薇谷之歌詠鶴山之操凄然有匪風下泉
之患而令人欲急尋竹如意打碎釣臺之石
而繼之以痛哭也茲不能無言乎而言亦不
能竟也公又有所纂庸學二圖及倡義錄二
編可并傳也丙辰秋夕苞山郭錫謹跋
我東自羅麗來抱道德而淑人心砥節義而

扶世教者鮮能兼之而勝國末最著者園冶
兩先生也洎于長陵翟亂沉陸有若旅軒桐
溪二先生以道德之宿望秉節義而遯于荒
旣淑人心又扶世教於千后何其躋哉不佞
讀申虎溪先生遺集至於太極陰陽之說性
情志意之辨遠溯洙洛之源深究閩陶之旨
中庸所謂尊德性而道問學者也及遭變會
義旗西指若將一葦之抗海和槩直斥克期
敵兵之退舍曾子旰謂臨大節而不可奪者
也運值百六冠屨倒而天地閉矣辭謝宰輔

之推轂卷懷於薇谷托意西山沒齒不悔在
蠱之上九不事王侯高尚其事者先生以焉
噫圃冶先生之風尚矣而旅爺桐老之邃學
與隆節與之并世而相符者耶嗚乎不佞之
文耄憤猥何穢佛而忝在宅相不容已於羹
墻庸書數語于卷尾云著雍敦牂黃花節外
裔孫後學通訓大夫前行弘文館副校理知
製教兼 經筵侍讀官春秋館記注官西
學教授驪江李中久謹書

虎溪先生遺集卷之六

身我王考晚年慨然諱不肖曰虎溪府君遺集七
冊如心法言所手自整理而忍齋集五冊又楚
軒府君兄弟之所彙纂也士林同心擬營鏤梓而
歲甲戌宗家失火兩世巾箱渾入煨燼零在支家
者無幾百六摧剝痛實何逮其甥日校前承宣公
及龜尾宗人昂周并夾歎傷曰兩先生遺文實經
傳之輪翼後學之鑑燭也必無終泯之理幸夏刻
意蒐採俾為完帙維茲好德之言凡為裔仍者
安得食息敢忘而中間事故延到十年而宗俗勝
冠與族君韓天左右聚粗成頭緒噫尚未克指

日備誦詞是善述不至漫墮則未死殘喘幸有歸
拜之辭矣乙巳三月下幹後孫相夏謹書

噫惟我先祖府君早承庭訓出遊大方深知爲己
之學私淑陶山集成旨訣蔚然爲世宗仰若夫丁
丙節義炳炳於後世皆自學問中得來而此則前
述已備何敢贅焉竊惟錫印之役先世屢爲而不
遑如是揆過則底績無期茲議僉宗亟付剞劂略
書數語耳屠維協洽陽月后孫敦植暨手謹識

虎溪先生遺集卷之六終

粵我王考慨然謂余曰虎溪府君遺集合七冊而乃忍齋府君之所編輯也忍齋遺稿五冊乃芝軒府君兄弟之所彙纂也擬與士林鉉梓頒佈而事巨力屈藏在宗家歲甲戌鬱攸灾起兩世遺文渾八灰燼零在支家者無幾噫此門運之百六也其後校前承宣令兄弟來赴致慰龜屨中鼎周以錦淵翁之言來慰曰尊家文集厄會實斯文不幸也夏蒐知舊文獻之家而爲之成篇焉越十年宗姪勝冠而與族君補天左右按採僅成卷樣者卽此也云肆余銘感忠與具

虎溪先生遺集卷之六
一
眼者丁乙棗繡而未能故略述所懷耳乙巳三
月下澣后孫相夏謹書

噫惟我先祖府君早承庭訓出遊大方浚知爲
已之學私淑陶山集成旨諒蔚然爲世宗仰若
夫丁丙節義炳炳於後世皆自學問中得來而
此則前述已備何敢贅焉竊惟鉉印之役先世
屢擬而未遑如是揆過則底績無期茲議僉宗
亟付剞劂略書數語耳屠維協洽陽月后孫敦
植盥手謹識

虎溪先生遺集卷之六終

뒤표지 앞면

